

## GLOSAR **NOVIH** AUTORA

**NURA BAZDULJ-HUBIJAR**, liječnik, specijalist medicinske mikrobiologije, književnica, rođena je 20. 8. 1951. godine u Mrđenovićima kod Foče. Od 1954. godine živjela je u Sarajevu, gdje se i školovala. Nakon završenog studija medicine, 1975. godine seli u Travnik, gdje i danas živi i radi kao liječnik. Do sada je objavila niz romana, pjesama i drama. Njezina djela prevedena su na njemački, holandski i norveški, a jedan od njenih romana, 1996. godine snimljen je u tehnici za slijepe osobe. Drama „Braća” izvedena je premijerno u Zanici 1998. Uvrštena je u školske čitanke, Antologiju bošnjačkog putopisa 20. vijeka i u školsku lektiru. Tekstovi Nure Bazdulj-Hubijar uvršteni su u čitanke, a roman “Ruža” u lektiru. Saradnik je gdječijih listova “Male novine”, “Lastavica”, “Vrelo Bosne” i “Palčić”, te časopisa “Most”, “Odjek” i “Bosanska vila”. **Bibliografija:** “Ja, slavni Ja”, zbirka pjesama za djecu (“Drugari”, Sarajevo, 1988.), “Ruža”, roman za mlade (“Veselin Masleša”, Sarajevo, 1990), “Ljubav je sibirbaz babo”, roman (“Svjetlosti”, Sarajevo, 1994.), “Naše međutim je rat”, roman (“Bosanska knjiga”, Sarajevo, 1995.), “Rosa canina”, roman

(“Međunarodni centar za mir”, Sarajevo, 1996.), “Okrutnost raja”, roman (Društvo pisaca BiH, 1997.), “Braća”, drama (“Mizanscen”, 1998), “Amanet”, roman (“Šahinpašić”, Sarajevo, 1999.), “Baš mi je žao” 2. izdanje (R&S, Tuzla, 1999.), “Kako sam ribu učio da pliva”, roman (OKO, Sarajevo, 2000.), “Šta te muči, Tamaguči”, roman (“Sezam”, 2000.), “Bizarne storije” (“Svjetlost”, Sarajevo, 2001), “Čekajući Tahira”: Ruža II, (Bosanska riječ, Sarajevo, 2002.), “Sablja i pero” (Sejtarija, Sarajevo, 2002.), “Priče o slovima” (Svjetlost, Sarajevo, 2002.), “Duša i svijet” (Sejtarija, Sarajevo, 2003.), “Noć u brelima”, roman (Sejtarija, Sarajevo, 2003.), “Nevjestinski ponor”, (Buybook, Sarajevo, 2004.), “Kad je bio juli”, (VBZ, 2005.), “Više ne čekam Tahira”: Ruža III, (Šahinpašić, 2008.), “Smrt je došla prekasno”, (Šahinpašić, 2008.), “Doba nevinosti”, (Šahinpašić, II izdanje 2008.), “Plavi kombi”, (Šahinpašić, 2009.), “I ja njega volim: Plavi kombi II”, (Šahinpašić, 2010), “Sjećanje na plava brda”, (TKD Šahinpašić, 2010), “Spavaj Anđela” (Amanet II) (TKD Šahinpašić, 2011); **nagrade i priznanja**: Priznanje “Zlatni prsten s briljantom” za “Ženu godine ‘97.” za oblast umjetnosti, Nagrada za najbolji roman na anonimnom konkursu Fond otvoreno društvo BiH-Soros Fondacija za roman “Baš mi je žao” (1998), Nagrada za dramu “Sablja i pero” (1999) na anonimnom konkursu za radio dramu u organizaciji Radija BiH, Književna nagrada V.B.Z.–Večernji list za najbolji neobjavljeni roman u 2005. za roman “Kad je bio juli”.

**MEVLIDA ĐUVIĆ**, doktor književno-

sti, rođena 1974. godine u Gračanici. Osnovnu i srednju školu završila je u rodnom gradu. Magistrirala je 2004. na Filozofskom fakultetu u Tuzli (*Feminističko čitanje Andrićevih priča*), a doktorsku tezu *Bosanskohercegovačka pripovijetka između dva svjetska rata, narativni konstrukti identiteta: retorika teksta i pragmatika tekstualnosti* odbranila je na Filozofskom fakultetu u Sarajevu, 17. 5. 2011. godine. U oktobru 2011. izabrana je u zvanje docentice na Odsjeku za bosanski jezik Filozofskog fakulteta u Tuzli. Područje interesovanja su joj moderna i postmoderna književnost, teorije identiteta i rodne teorije. Članica je Redakcije časopisa Razlika/Differance. Objavljuje u bosanskohercegovačkim časopisima. Opširnije biografske i ostale podatke o dr. sc. Mevlidi Đuvicić, objavljujemo u ovom broju našeg časopisa u rubrici „Predstavljamo vam doktore nauka s područja Gračanice“.

**AVNI ILHAN**, rođen je 1940. godine selu Yüreğil, općina Denizli, Republika Turska, gdje je završio osnovnu školu. Medresu (Imam-Hatip Lisesi) je završio 1959. godine u Isparti, a Visoki islamski institut 1963. godine. Do 1966. godine radio je kao nastavnik u medresi u Antaliji, kada je postavljen za asistenta na Visokom islamskom institutu u Konyi. Tokom službovanja na ovoj visokoškolskoj ustanovi boravio je dvije godine na studijskom usavršavanju u Bagdadu. U periodu od 1973.–1979. obavljao je dužnost direktora Visokog islamskog instituta u Izmiru, na kojem je bio predavač sve do 1982. godine. Kada je taj institut prerastao u fakultet, obavljao je dužnost zamjenika dekana Ilahiyat fakulteta Univerziteta Dokuz Eylül. Doktorirao

je 1982. godine, a iste godine je izabran za pomoćnog docenta. Četiri godine kasnije postaje docent, a 1993. redovni profesor. Bio je šef katedre za Islamsku apologetiku i Povijest islamskih mezheba. Penzionisan je 2004. godine. Svoje radove objavljivao je u časopisima: *İslam Medeniyeti Mecmuası*, *Diyanet Dergisi*, *DEÜ İlahiyat Fakültesi Dergisi*, *Arayış ve İslam* (Hollanda), *er-Risâletü'l-İslâmiyye* (Bağdat). Bio je učesnik mnogih simpozija na kojima je prezentirao referate iz svoje naučne oblasti. **Objavljeni radovi:** 1. sa profesorima A.Vehbi Ecerom i Musrafa Ozom: *İslam Mezhepleri Tarihi* (Povijest islamskih mezheba) koja je doživjela više izdanja i korištena kao udžbenik; 2. *İslam Kardeşliği* (Islamsko bratstvo); 3. *İki Dakika İzin* (Zbirka pripovijetki za djecu); 4. *Mezhepler ve Tarikatler Ansiklopedisi* (Enciklopedija mezheba i tarikata – član uredničkog tima); 5. *Mehdilik* (Mesijanstvo); 6. *İmam Musa Kâzım, İmam Ali Rıza, İmam Muhammed Takî*; 7. *Alevîlik Bektaşîlik Tartışmaları* (Rasprave o alevizmu i bekrtašizmu -sa profesorom Cemalom Sofuoğlu koautorsko djelo); **Prijevod:** 1. Haydar Bammat, *Garb Medeniyetinin Kuruluşunda Müslümanların Rolü* – Uloga muslimana u nastanku zapadne civilizacije; 2. Jusuf Karadavi, *İslam Ve Fukaralık* (Islam i siromaštvo); 3. İmam Birgivi: *Tuhfetü'l-Müsterşidîn*; 4. İmam Gazâlî: *Batınîliğin İcyüzü* (Ezoterija iznutra).

**ESED KARIĆ**, doktor pedagoških nauka, rođen je u D. Orahovici, 1960. godine, gdje je završio osnovnu i srednju školu. Pedagošku akademiju je završio 1981. godine u Tuzli. Na Pedagoškom

fakultetu u Osijeku, 1986. godine, diplomirao je na Odsjeku tehničko obrazovanje i stekao zvanje profesora tehničkog obrazovanja. Postdiplomski studij je uspješno završio 27. 09. 2007. godine odbranom magistarskog rada na temu: „Oblici rada u funkciji racionalizacije nastave tehničkog odgoja i informatike u osnovnoj školi“ i stekao zvanje magistar humanističkih nauka iz oblasti pedagogije. Na Filozofskom fakultetu Univerziteta u Banja Luci je 23. 08. 2010. godine uspješno odbranio doktorsku disertaciju na temu „*Vrednovanje emancipatorskog vaspitanja kao determinanta kvalitetnog pedagoškog rada škole*“ i stekao naučni stepen doktora pedagoških nauka. Opširnije biografske i ostale podatke o dr. sc. Esadu Kariću, objavljujemo u ovom broju našeg časopisa u rubrici „Predstavljamo vam doktore nauka s područja Gračanice“.

**BAKIR MAGLAJLIJA**, veterinar, sin poznatog gračaničkog veterinara Hasana, porijeklom iz Rudog, rođen je 1947. godine u Gračanici. Nakon osnovne i srednje škole, završio je veterinarski fakultet u Sarajevu, nakon čega se zaposlio u Veterinarskoj stanici u Gračanici. Nastavljajući stopama svog oca, starog veterinara Hasana i Bakir je uživao ugled vodećeg stručnjaka na regiji Tuzla, jedno vrijeme bio je na čelu Veterinarske stanice u Gračanici. Bio je čovjek širokih interesovanja, poznat u gračaničkoj organizaciji izviđača i ljubitelja prirode, drugovao je sa lijepom knjigom, a nalazio vremena i za slikarstvo - sve za svoju dušu. Mnoge Gračanlije prijatno je iznenadio svojom prvom, nažalost i posljednjom likovnom izložbom, koju je priredio 1. marta ove godine u Bosanskom

kulturnom centru u Gračanici.

**NAKON KRAĆE** bolesti preminuo je 24. 3. 2012. godine na gračaničkom greblje "Režići". U znak sjećanja na ovog uglednog Gračanlije, u ovom broju našeg časopisa objavljujemo izbor njegovih crteža i slika sa spomenute izložbe.

**HASAN MAGLAJLIJA**, veterinar, rođen 1911. u Rudom, studirao je veterinu u Zagrebu, pripadao grupi naprednih studenata, od 1931. godine postao, član SKOJ-a 1932. godine, učestvovao u svim akcijama naprednog studentskog pokreta, radi čega je više puta hapšen. U aprilu 1939. godine došao je na dužnost sreskog veterinara u Gračanici, gdje je zasnovao porodicu i za ovo mjesto bio vezan do kraja života. Odmah po svom dolasku povezoao se sa tadašnjim lijevo orijentisanim omladincima u Gračanici. Aktivan je učesnik NOP-a, tokom 1943. i 1944. angažovao se na formiranju partizanske vlasti u selima istočno od Gračanice. Uživao je veliki ugled u gračaničkoj čaršiji kako pred Drugi svjetski rat, tako i u toku rata kao i u vrijeme socijalističke Jugoslavije. Bio je ne samo vrstan stručnjak-veterinar, nego i dobro obrazovan intelektualac, kao i druželjubitiv i popularan čovjek. Po svojim političkim nazorima, predstavlja tipičan primjer građanskog intelektualca bliskog lijevim idejama, koji se kasnije razočarao u svoju partiju i na kraju, politički potpuno pasivizirao, posvetivši se svom privatnom životu I profesionalnom radu. Umro 1985. kao penzioner u Gračanici i ukopan na greblje Režići. U ovom broju našeg časopisa objavljujemo njegovo zanimljivo autobiografsko štivo, kao dobar izvor za proučavanje gračaničke

novije povijesti.

**SUAD MUJAKIĆ**, rođen 12.07. 1973. godine u Gračanici. Osnovnu školu je završio u rodnoj Lukavici. Gazi Husrevbegovu medresu upisao je 1989., a zbog ratnih dešavanja, završio 1995. godine. Nakon medrese, upisuje Islamsku pedagošku akademiju u Zenici, koju je završava 1997., a Fakultet islamskih nauka u Sarajevu kao vanredni student 2005. godine. Tema diplomskog rada je bila „Metoda podsticaja u hadisa Božjeg poslanika Muhammeda a.s.“ Postdiplomski studij na Internacionalnom univerzitetu u Novom Pazaru upisuje 2007. i uspješno okončava 2009. godine, odbranivši magistarski rad na temu „Muhamed Tajjib Okić i njegov doprinos razvoju hadiske znanosti“. Radio je kao imam u džematu Donja Vraca, Medžlis Islamske zajednice Zenica u periodu 1997.–2003. Za Glavnog imama Medžlisa Islamske zajednice Stolac postavljen je 2003. godine i tu funkciju obavlja i danas.

**OMER NAKIČEVIĆ**, rođen je u Teočaku 1927. godine, osnovno obrazovanje stekao je u rodnom mjestu, srednje u Tuzli (Behram-begova medresa, odnosno Niža okružna) i Sarajevu (Gazi Husrev-begova medresa) maturirao 1947. godine, kada je nastavio studij na Filozofskom fakultetu Univerziteta u Beogradu. Nakon deset godina izdržane zatvorske kazne (kao član organizacije Mladi Muslimani biva uhapšen 14. aprila, 1949. godine i poslije istrage u Beogradu, Sarajevu i Tuzli, osuđen na 20 godina robije sa prisilnim radom i 7 godina gubitka građanskih prava po izdržanom robijanju) oslobođen je uslovno i

ponovo nastavlja studij na istom Univerzitetu (grupa za orijentalne jezike i književnost). Diplomirao je 25. januara 1962. godine. Spezijalizirao je žurnalistiku na Kairskoj Radio stanici, 1963.-1964. godine – pripremanje i izvođenje radio emisija na arapskom jeziku. Poslije postdiplomskih studija i položenih ispita predviđenih programom fakulteta Kullijetu'l-adab na Kairskom Univerzitetu, magistrirao je u aprilu 1968. godine na temu Šejh Hasan Kafi Pruščak, raidu'l-'ulumu'l-'arabijjeti'l-islamijjeti fi'l-Bosna ve'l-Herceg. Doktorirao je na Filološkom fakultetu Univerziteta u Beogradu, 27. februara 1981. godine na temu: Arapsko-islamske znanosti u BiH i glavne škole od XV-XVII vijeka (Sarajevo, Mostar, Prusac). **Kretanje u karijeri:** prevodilac i spiker na Radio-televiziji Beograd, program Radio emisije za inostranstvo na arapskom jeziku (5 godina); šef za zaštitu, obradu i istraživanje arhivske građe i rukopisa na orijentalnim jezicima pri Pokrajinskom arhivu Priština (3 godina); prevodilac i korespondent za arapski jezik pri izgradnji Univerzitet-skog grada u Bengaziju – Libija (3 godine); profesor arapskog jezika u Gazi Husrev begovoj medresi, Sarajevo (osam godina); prevodilac i korespondent za arapski jezik u Bagdadu predstavništvo RO Unioinvest (jednu godinu), obrada rukopisa na orijentalnim jezicima pri GH biblioteci (tri godine); od 17. novembra 1982. godine docent na predmetu hadis na Islamskom teološkom fakultetu u Sarajevu; od 11. 9. 1986. godine obavlja poslove vršioca dužnosti Rektora, odnosno dekana Islamskog teološkog fakul-

teta u Sarajevu; 17. 4. 1987. godine, na prijedlog komisije (prog. dr. Mehmed Begović, prof. dr. Hamdija Čemerlić i prof. dr. Sulejman Mašović) izabran za vanrednog, a četiri godine kasnije za redovnog profesora na predmetu hadis (na prijedlog komisije u sastavu: dr. Jusuf Ramić, prof. dr. Avdo Sućeska i prof. dr. Sulejman Mašović). Početkom 1993. godine ponovo postavljen za dekana Fakulteta islamskih nauka. U mrovini je od 2.000 godine.

**VAHIDA ŠEREMET**, dipl. ekonomista, književnica, inovator, rođena je 1950. godine u Tuzli, završila je Ekonomski fakultet u Sarajevu. Pored svoje struke, kao osoba vrlo širokih interesovanja, ogledala se u književnosti, kulturnoj historiji i inovatorstvu. Kao ekonomski stručnjak, objavljivala je radove u stručnim časopisima „Privredni pregled“ Beograd i „Informator“, Zagreb, u nauku je uvela pojam „devizna pletenica“, koji je kao rješenje za zaustavljanje galopirajuće inflacije, obrazložila na Savjetovanju ekonomista Jugoslavije u Opatiji, 1989. godine. Kao inovator, osvojila je nekoliko svjetskih priznanja iz različitih oblasti. Između ostalog, dovodi u pitanje teoriju o bolesti šljive „Plum pox poty virus“ ili „Šarki“. U oblasti književnog stvaralaštva, objavljivala je kratke priče u časopisima „Most“ Mostar, „Duvan“ Travnik, u sarajevskom „Oslobođenju“ i dr. Prvo veće književno djelo joj je drama „Hasanaginica“. U posebnoj studiji „Hasanaginica od 1646. do danas“, pokušala je doći do odgovora na pitanje: ko je spjevao „Hasanagicu“. Upravo je napisala monodramu o Umi-hani Čuvidinoj, prvoj poznatoj pjesnikinji u Bosni i Hercegovini.

**LEJLA ŽUNIĆ (rođ. Mašić), doktor farmaceutskih nauka**, rođena je 1954. godine u Gračanici. Završila je Farmaceutski fakultet Univerziteta u Sarajevu, magistrirala na Medicinskom fakultetu u Tuzli, a doktorsku disertaciju odbranila na Farmaceutskom fakultetu Univerziteta u Sarajevu. Od 1977. godine radi u medicinsko-biohemijskoj struci

Doma zdravlja Gračanica kao nosilac tima–medicinski biohemičar i specijalista medicinske biohemije u službi za laboratorijsku dijagnostiku DZ Gračanica. Opširnije biografske i ostale podatke o dr. sc. Lejli Žunić, objavljujemo u ovom broju našeg časopisa u rubrici „Predstavljamo vam doktore nauka s područja Gračanice“.

